

文淵閣

影印

四庫全書

影印

文淵閣四庫全書

第一四二七冊

北京出版集團公司
北京出版社

本冊目次

御定全唐詩（五）

清 康熙四十二年御定……一

欽定四庫全書

集部

御定全唐詩卷三百九十二

欽定四庫全書

御定全唐詩卷三百九十

李賀

李賀字長吉系出鄭王後七歲能辭章韓愈皇甫湜始

聞未信過其家使賀賦詩援筆輒就自目曰高軒過二

人大驚自是有名賀每旦日出騎弱馬從小奚奴背古

錦囊遇所得書投囊中及暮歸足成之率為常以父名

晉肅不肖舉進士詩尚奇詭絕去畦徑當時無能效者

欽定四庫全書

御定全唐詩卷三百九十

樂府數十篇雲韶諸工皆合之弦管仕為協律郎卒年

二十七詩四卷外集一卷今編詩五卷

李憑箏篋引

吳絲蜀桐張高秋空白

一作山

凝雲顏不流江娥啼竹素

女愁李憑中國彈箏篋崑山玉碎鳳皇叫芙蓉泣露香

蘭笑十二門前融冷光二十三絲動紫皇女媧鍊石補

天處石破天驚逗秋雨夢入坤

一作神

山教神嫗老魚跳

波瘦蛟舞吳質不眠倚桂樹露脚斜飛溼寒兔

詳校官庶吉士臣胡鈺

主事銜臣徐以坤覆勘

總校官知縣臣楊懋珩

校對官學正臣李農

謄錄監生臣李維翰

殘絲曲

垂楊葉老鶯哺兒殘絲欲斷黃蜂歸綠鬢年少一作金

釵客縹粉壺中沈琥珀花臺欲暮春辭去落花起作迴

風舞榆英相催不知數沈郎青錢夾城路

還自會稽歌并序

庾肩吾於梁時嘗作宮體謠引以應和皇子及國

世一作勢淪敗肩吾先潛難會稽後始還家僕意其

必有遺文今無得焉故作還自會稽歌以補其悲

欽定四庫全書

御定全唐詩
卷三百九十

野粉椒壁黃溼螢一作蛩滿梁殿臺城應教人秋衾夢銅

輦吳霜點歸鬢身與塘蒲晚脈脈辭金魚羈臣守述賤

出城寄權璩楊敬之

草暖雲昏萬里春宮花拂面送行人自言漢劍當飛去

何事還車載病身

示弟

別弟三年後還家一作十日餘醺醺今夕酒緗帙去時

書病骨猶一作獨能在人間底事無何須問牛馬拋擲任

泉盧

竹

入水文光動抽空綠影春露華生一作垂筍遲苔色拂霜

根纖可承香汗裁堪釣錦鱗三梁曾入用一節奉王孫

同沈駙馬賦得御溝水

入苑白泱泱宮人正厲黃遶堤龍骨冷拂岸鴨頭香別

館驚殘夢停杯泛小觴幸因流浪處暫得見何郎

始為奉禮憶昌谷山居

欽定四庫全書

御定全唐詩
卷三百九十

掃斷馬蹄痕衙迴自閉門長鎗江米熟小樹棗花春向

壁懸如意當簾閣角巾犬書曾去洛鶴病悔遊秦土甑

封茶葉山盃鎖竹根不知船上月誰權滿溪雲

七夕

別浦今朝暗羅帷午夜愁鵲辭穿線月花入曝衣樓天

上分金鏡人間望玉鉤錢塘蘇小小更一作又值一年秋

過華清宮

春月夜啼鴉宮簾隔御花雲生朱絡暗石斷紫錢斜玉

梳盛殘露銀燈點舊紗蜀王無近信泉上有芹芽

送沈亞之歌 并序

文人沈亞之元和七年以書不中第返歸于吳江
吾悲其行無錢酒以勞又感沈之勤請乃歌一解
以勞之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齋栽如梵夾
雄光寶礦獻春卿烟底鷺波乘一葉春卿拾材白曰下

欽定四庫全書

御定全唐詩
卷三百九十

四

擲置黃金解龍馬携笈歸江家一作重入門勞勞誰是憐

君者吾聞壯夫重心骨古人三走無摧捽請君待旦事

長鞭他日還轅及秋律

詠懷二首

長卿懷茂陵綠草垂石井彈琴看文君春風吹鬢影梁
王與武帝棄之如斷梗惟留一簡書金泥泰山頂

日夕著一作看書罷驚霜落素絲鏡中聊自笑詎是南山

期頭上無幅巾苦藥已染衣不見清溪雨飲水得自一作

相宜

追和柳惲

汀州白蘋草柳惲乘馬歸江頭一作樹香岸上蝴蝶

飛酒盃著葉露玉軫蜀桐虛朱樓通水陌沙暖一雙魚

春坊正字劍子歌

先輩匣中三尺水曾入吳潭斬龍子隙月斜明刮露寒
練帶平鋪吹不起蛟胎皮老瘳藜刺鷓鴣淬花白鷗尾
直是荆軻一片心莫教照見春坊字按絲團金懸麗戟

欽定四庫全書

御定全唐詩
卷三百九十

五

神光欲截藍田玉提出西方白帝驚嗷嗷鬼母秋郊哭

貴公子夜闌曲

裏裏沈水烟烏啼夜闌景曲沼芙蓉波腰圍白玉冷

雁門太守行

幽閒鼓吹云賀以詩歌謁韓愈時
愈送客歸極困解帶讀之首篇乃

雁門太守行
即東帶見之

黑雲壓城城欲摧甲光向日一作月金鱗開角聲滿天秋

色裏塞上一作土燕脂凝夜紫半卷紅旗臨易水霜動鼓

寒聲一作聲不起報君黃金臺上意提携玉龍為君死

大堤曲

妾家住橫塘紅紗滿桂香青雲教綰頭上髻明月與作
耳邊瑤蓮風起江畔春大堤上留此人郎食鯉魚尾妾
食猩猩脣莫指襄陽道綠浦歸帆少今日菖蒲花明朝
楓樹老

蜀國弦

楓香晚花靜錦水南山影驚石墜猿哀竹一作雲愁半

嶺涼月生秋浦玉沙粼粼一作鱗鱗光誰家紅淚客不忍過

欽定四庫全書

御定全唐詩
卷三百九十

瞿塘

蘇小小墓一作歌

幽蘭露如啼眼無物結同心烟花不堪剪草如茵松如

蓋風為裳水為珮油壁車夕一作久相待冷翠燭勞光彩

西陵下風吹雨

夢天

老兔寒蟾泣天色雲樓半開壁斜白玉輪軋露溼團光
驚佩相逢桂香陌黃塵清水三山下更變千年如走馬

遙望齊州九點烟一泓海水杯中瀉

唐兒歌杜幽公之子

頭玉硤硤眉刷翠杜郎生得真男子骨重神寒天廟器

一雙瞳人剪秋水竹馬稍稍搖綠尾銀鸞音閃光踏半

臂東家嬌娘求對值濃笑畫一作書空作唐字眼大心雄

知所以莫忘作歌人姓李

綠章封事為吳道士夜醮作

青霓一作靄扣額呼宮神鴻龍玉狗開天門石榴花發滿

欽定四庫全書

御定全唐詩
卷三百九十

溪津溪一作漢女洗花染白雲綠章封事詔元父六街馬

蹄浩無主虛空風氣不清冷短衣小冠作塵土金家香

街同巷千輪鳴揚雄秋室無俗聲願攜漢戟招書鬼休令

恨骨填蒿里

河南府試十二月樂詞并閏月

正月

上樓迎春新春歸一作正月上月樓迎春歸一本無正月暗黃著柳宮漏遲

薄薄淡靄弄野姿寒綠幽風一作泥生短絲錦牀曉卧玉

肌冷露臉未開對朝暝官街柳帶不堪折早晚菖蒲勝綰結

二月

二月一本無二月二字飲酒採桑津宜男草生蘭笑人蒲如交

劍一作刀風如薰勞勞胡一作燕怨酣春微帳逗烟生綠

塵一作香金翹峨一作蛾髻愁暮雲香颯起舞真珠裙津

頭送別唱流水酒客背寒南山死

三月

欽定四庫全書

御定全唐詩
卷三百九十

東方風來滿眼春花城柳暗一作禁愁殺一作幾人複宮深

殿竹風起新翠舞衿淨一作襟如水光風轉蕙百餘里暖

霧驅雲撲天地軍裝宮妓掃蛾淺搖搖錦旗夾城暖曲

水漂香去不歸梨花落盡成秋一作愁苑

四月

曉涼暮涼樹如蓋千山濃綠生雲外依微香雨青氛氲

一作過膩葉蟠花照曲門金塘閒水搖碧漪老景沈重

一作青氛無驚飛墮紅殘夢暗參差

五月

雕玉押簾額一作上輕轂籠虛門并汲鉛華水扇織鴛鴦

紋一作文迴雪舞涼殿甘露洗空綠羅袖一作從從一作風

翔香汗沾寶粟

六月

裁生羅伐湘竹帔一本無帔字拂疎霜簾秋玉炎炎紅鏡東

方開暈如車輪上裏回啾啾赤帝騎龍來

七月

欽定四庫全書

御定全唐詩
卷三百九十

星依雲渚冷露滴盤中圓好花生木末衰蕙愁空一作故

園夜天如玉砌池葉極青錢僅厭舞衫薄稍知花簾寒

曉風何拂拂北斗光闌干

八月

嬌一作宮妾怨夜長獨客夢歸家傍簷蟲織一作絲絲向壁

燈垂花簾外月光吐簾內一作中樹影斜悠悠飛露安點

綴池中荷

九月

離宮散螢

一作雲

天似水竹黃池冷芙蓉死月綴金鋪光

脈脈涼苑虛庭空澹白露

一作霜

花飛飛風草草翠錦欄

斑滿層道雞人罷唱曉瓏璁鴉啼金井下疎桐

十月

玉壺銀箭稍難傾釭花夜笑凝幽明碎霜斜舞上羅幕

燭龍兩行照飛閣珠帷怨卧不成眠金鳳刺

音戚

衣著體

寒長眉對月關彎環

十一月

欽定四庫全書

御定全唐詩

卷三百九十

十

宮城團迴凜嚴光白天碎碎墮瓊芳撾鍾高飲千日酒

却天

一作戰却

凝寒作君壽御溝泉

一作水

合如環素火井溫

泉

一作水

在何處

十二月

日脚淡光紅灑灑薄霜不銷桂枝下依稀和氣排

一作解

冬嚴已就長日辭長夜

閏月

帝重光年

一作午

重時七十二候迴環推天官玉琯灰刺

飛今歲何長來歲遲王母移桃獻天子義氏和氏迂龍轡

天上謠

天河夜轉漂迴星銀浦流雲學水聲玉宮桂樹花未落

仙妾採香垂珮纓秦妃卷簾北窗曉窗前植桐青鳳小

王子吹笙鸞管長呼龍耕烟種瑤草粉霞紅綬藕絲裙

青洲步拾蘭苔春東指羲和能走馬海塵新生石山下

浩歌

欽定四庫全書

御定全唐詩

卷三百九十

十一

南風吹山作平地帝遣天吳移海水王母桃花千遍紅

彭祖巫咸幾回死青毛驄馬參差錢嬌春楊柳含細烟

箏人勸我金屈卮神血未凝身問誰不須浪飲

一作亂舞

都護世上英雄本無主買絲繡作平原君有酒惟澆趙

州土漏催水咽玉蟾蜍衛娘髮薄不勝梳看

一作羞

見秋

眉換新

一作深

綠二十男兒那刺促

秋來

桐風驚心壯士苦衰燈絡緯啼寒素誰看青簡一編書

不遣花蟲粉空蠹思牽今夜腸應直雨冷香魂弔書客
秋墳鬼唱鮑家詩恨血千年土中碧

帝子歌

洞庭明月一作帝子 一千里涼風雁啼天在水九節菖蒲石

上死湘神彈琴迎帝子山頭老桂吹古香雌龍怨吟寒
水光沙浦走魚白石郎閒取真珠擲龍堂

秦王飲酒

秦王騎虎遊八極劍光照空天自碧義和敲日玻璃聲

欽定四庫全書

御定全唐詩
卷三百九十

十三

劫灰飛盡古今平龍頭瀉酒邀酒星金槽琵琶夜悵悵

洞庭雨脚來吹笙酒酣喝月使倒行銀雲擲擲瑤殿明

宮門掌事報一更花樓玉鳳聲嬌獍海綃紅文香淺清

黃鸞跌舞千年觥仙人燭樹蠟烟輕清琴醉眼淚泓泓

洛姝真珠

真珠小娘下清一作青 廓洛苑香風飛綽綽寒鬢斜釵玉

燕光高樓唱月敲懸璫蘭風桂露灑幽翠紅弦裏雲咽

深思花袍白馬不歸來濃蛾疊柳香脣醉金鸞屏風蜀

山夢鸞裾鳳帶行烟重八驄籠晃臉差移日絲繁散曛

羅洞市南曲陌無秋涼楚腰衛鬢四時芳玉喉窸窣排

空光牽雲曳雪留陸郎

李夫人歌

一本無歌字

紫皇宮殿重重開夫人飛入瓊瑤臺綠香繡帳何時歇

青雲無光宮水咽一作翻 聯一作 桂花墜秋月孤鸞驚啼商

絲發紅壁闌珊懸珮璫歌臺小妓一作柏 遙相望玉蟾滴

水雞人唱露華蘭葉參差光

欽定四庫全書

御定全唐詩
卷三百九十

十三

走馬引

我有辭鄉劍玉鋒堪截雲襄陽一作長安 走馬客一作使 意氣

自生春朝嫌劍花一作光 淨暮嫌劍光冷能持劍向人不

解持照身一作解持照身影

湘妃

筠竹千年老不死長伴秦一作神 娥蓋湘水蠻娘吟弄滿

寒空九山靜綠淚花紅離鸞別鳳煙梧中巫雲蜀雨遙

相通幽愁秋氣上青楓一作清峰 涼夜波間吟古龍

南園十三首

花枝草蔓眼中開，小白長紅越女腮。
可憐日暮嬌香落，嫁與春風不用媒。

宮北田塍曉氣酣，黃桑飲露窳宮簾。
長腰健婦偷攀折，將餒吳王八鬣蠶。

竹裏繚絲挑網車，青蟬獨噪日光斜。
桃膠迎夏香琥珀，自課越傭能種瓜。

三十未^{一作滿}有一，二十餘白日長飢。
小甲蔬橋頭長老相。

欽定四庫全書
御定全唐詩
卷三百九十

哀念因遺戎韜一卷書

男兒何不帶吳鉤，^{一作橫刀}收取關山五十州。
請君暫上凌

烟閣，若箇書生萬戶侯。

尋章摘句老雕蟲，曉月當簾挂玉弓。
不見年年遼海上

文章，何處哭秋風。

長卿牢落悲空舍，曼倩詎諧取自容。
見買若耶溪水劍

明朝歸去事，後公

春水初生乳燕飛，黃蜂小尾撲花歸。
窗含遠色通書幌

魚擁香鉤近石磯

泉沙更卧鴛鴦暖，曲岸迴篙舴艋遲。
瀉酒木欄椒葉蓋，病容扶起種菱絲。

邊讓今朝憶蔡邕，無心裁曲卧春風。
含南有竹堪書字，老去溪頭作釣翁。

長巒谷口倚嵇家，白晝千峰老翠華。
自履藤鞋收石蜜，手牽苔絮長純花。

松溪黑水新龍卵，桂洞生硝舊馬牙。
誰遣^{一作為}又作道虞卿

欽定四庫全書
御定全唐詩
卷三百九十

裁道帔，輕綃一疋染朝霞。

小樹開朝迳，長茸溼夜烟。
柳花驚雪浦，麥雨漲溪田。
古剎疎鐘度，遙嵐破月懸。
沙頭敲石火，燒燭照漁船。

御定全唐詩卷三百九十

欽定四庫全書

御定全唐詩卷三百九十一

李賀

金銅仙人辭漢歌 并序

魏明帝青龍元年八月詔宮官牽車西取漢孝武
捧露盤仙人欲立置前殿宮官既折盤仙人臨載
乃潸然淚下唐諸王孫李長吉遂作金銅仙人辭

漢歌

欽定四庫全書

御定全唐詩
卷三百九十一

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老携盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲隨風颺海
沙變成石魚沫吹秦橋空光遠流浪銅柱從年消

黃頭郎

黃頭郎撈攏去不歸南浦芙蓉影愁紅獨自垂水弄湘

娥珮竹啼山露月玉瑟調青門石雲溼黃葛沙上蘼蕪

花秋風已先發好持一作掃羅薦香出鴛鴦一作熟

馬詩二十三首

龍脊貼連錢銀蹄白踏烟無人織錦韉誰為鑄金鞭

臘月草根甜天街雪似鹽未知口硬軟先擬荜蓀銜

忽憶周天子驅車上玉山鳴騶辭鳳苑赤驥最承恩

此馬非凡馬房星本是星一作精向前敲瘦骨猶自帶銅

欽定四庫全書

御定全唐詩
卷三百九十一

聲

大漠山一作沙如雪燕山月似鉤何當金絡腦快走踏清

秋

飢卧骨查牙麤毛刺破花鬣焦朱色落髮斷鋸長麻

西母酒將闌東王飯已乾君王若燕去誰為拽車轅

赤兔無人用當須呂布騎吾聞果下馬羈策任蠻兒

颺叔去一作死恩恩如今不奏龍夜來霜壓棧駿骨折西

風

催榜渡烏江一作神駢泣向風君
江東
一作王今解劍何處

逐英雄

內馬賜宮人銀韉刺驕驎
午時鹽坂上蹭蹬溘風塵
批竹初攢耳桃花未上身
他時須攬陣牽去借將軍
寶玦誰家子長聞俠骨香
堆金買駿骨將送楚襄王
香襍赭羅新盤龍蹙錦鱗
迴看南陌上誰道不逢春
不從桓公獵何能伏虎威
一朝溝隴出看取拂雲飛
唐劍斬隋公拳毛屬太宗
莫嫌金甲重且去捉颯一作颯

欽定四庫全書

御定全唐詩

卷三百九十一

三

作風

白鐵剗青禾碭間落細莎
世人憐小頸金埒畏長牙
伯樂向前看旋毛在腹間
祗今培白草何日暮青山
蕭寺馱經馬元從竺國來
空知有善相不解走章臺
重圍如燕尾寶劍似魚腸
欲求千里脚先采眼中光
暫繫騰黃馬仙人上綵樓
須鞭玉勒更何事謫高州
汗血到王家隨驚撼玉珂
少君騎海上人見是青驄
武帝愛神仙燒金得紫烟
殿中皆肉馬不解上青天

申胡子感策歌并序

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命予合飲氣熱杯闌因謂吾
曰李長吉爾徒能長調不能作五字歌詩直強迴
筆端與陶謝詩勢相遠幾里吾對後請撰申胡子
感策歌以五字斷句歌成左右人合噪相唱朔客
大喜擊觴起立命花娘出幕裴回拜客吾問所宜
稱善平弄於是以弊辭配聲與予為壽

欽定四庫全書

御定全唐詩

卷三百九十一

四

顏熱感君酒含嚼盧中聲
花娘參綏安休睡芙蓉屏
誰截太平管列點排空星
直貫開花風天上驅雲行
今夕歲華落令人惜平生
心事如波濤中坐時時驚
朔客騎白馬劍弢懸蘭纓
俊健如生孫肩拾蓬中螢

老夫採玉歌

採玉採玉須水碧琢作步搖
徒好色老夫飢寒龍為愁

藍溪水氣無清白夜雨岡頭食蓂子杜鵑口血老夫淚
藍溪之水厭生人身死千年恨溪水斜山柏風雨如嘯
泉脚挂繩青裏裏村寒白屋念嬌嬰古臺石磴懸腸草

傷心行

咽咽學楚吟病骨傷幽素秋姿白髮生木葉啼風雨燈
青蘭膏歇落照飛蛾舞古壁生凝塵羈魂夢中語

湖中曲

長眉越沙採蘭若桂葉水萍春漠漠橫船一作倚醉眠白

欽定四庫全書

御定全唐詩
卷三百九十一

五

畫閒渡口梅風歌扇薄燕釵玉股照青渠越王嬌郎小
字書蜀紙封巾報雲鬢晚漏壺中一作銅壺水淋盡

黃家洞

崔步蹙沙聲促促四尺角弓青石鏃黑幡三點銅鼓鳴
高作猿啼搖箭服綠巾纏踣幅半斜溪頭簇隊映葛花
山潭晚霧吟白鼉竹蛇飛蠹射金沙閒驅竹馬緩歸家
官軍自殺容州槎

屏風曲

蝶棲石竹銀交關水凝綠鴨瑠璃錢團迴六曲抱膏蘭
將鬟鏡上擲金蟬沈香火暖茱萸烟酒觥一作餘綰帶新
承懽月風吹露屏外寒城上烏啼楚女眠

南山田中行

秋野明秋風白塘水漻漻蟲嘖嘖雲根苔蘚山上石冷
紅泣露嬌啼色荒畦九月稻叉牙蟄螢低飛隴迤斜石
脈水流泉滴沙鬼燈如漆點一作照松花

貴王征行樂

欽定四庫全書

御定全唐詩
卷三百九十一

六

奚騎一作妓黃銅連鎖甲羅旗香幹金畫葉中軍留醉河
陽城嬌嘶紫燕踏花行春營騎將如紅玉走馬捎鞭上
空綠女垣素月角吽吽牙帳未開分錦衣

酒罷張大徹索贈詩

時張初
効路幕

長鬣張郎三十八天遣裁詩花作骨往還誰是龍頭人
公主遣東魚須笏太行一作水荇青草上白衫匣中章奏密

如蠶金門石閣知卿有豸角雞香早晚含隴西長吉摧
頽客酒闌感覺中區窄葛衣斷碎趙城秋吟詩一夜東

方白

羅浮山父一作人與葛篇

依依宜織江雨空中六月蘭臺風博羅老仙時出洞

千歲石牀啼鬼工蛇毒濃凝一作毒蛇濃吁洞堂溼江魚不食

銜沙立欲剪相一作相中一尺天吳娥莫道吳刀澀

仁和里雜叙皇甫湜湜新尉陸渾

大人乞馬癯乃寒宗人貸宅荒厥垣橫庭鼠徑空土澀

出籬大棗垂朱殘安定美人截黃綬脫落纓裾暝朝酒

欽定四庫全書

御定全唐詩
卷一百一十一

七

還家白筆未上頭使我清聲落人後枉辱稱知犯君眼

排引纔陞強絀斷洛風送馬入長關闔扇未開逢猥犬

那知堅一作堅都相草草客枕幽單看春老歸來骨薄面

無膏瘦氣衝頭鬢並少欲雕小說干天官宗孫不調為

誰憐明朝下元復西道崆峒叙別長如天

宮娃歌

蠟光高懸照紗空花房夜擣紅守宮象口吹香氎氎暖

七星挂城間漏板寒入罌恩殿影昏彩鸞簾額著霜痕

啼蛄弔月鉤欄下屈膝銅鋪鎖阿甄夢入家門上沙渚

天河落處長洲路願君光明如太陽放妾騎魚撒波去

堂堂

堂堂復堂堂紅脫梅灰香十年粉蠹生畫梁飢蟲不食

推一作堆碎黃蕙花已老桃葉長禁院懸簾隔御光華清

源中礬石湯裏回白鳳隨君王

勉愛行二首送小季之廬山

洛郊無俎豆弊廩慙老馬小雁過鑪峰影落楚水下長

欽定四庫全書

御定全唐詩
卷一百一十一

八

船倚雲泊石鏡秋涼夜豈解有鄉情弄月聊鳴啞

別柳當馬頭官槐如兔目欲將千里別持我一作此易斗

粟南雲北雲空脈斷靈臺經絡懸春綫青軒樹轉月滿

牀下國飢兒夢中見維爾之昆二十餘年來持鏡頗有

鬚辭家三載今如此索米王門一事無荒溝古水光如

刀庭南拱柳生蟾蜍江干幼客真可念郊原晚吹悲號

號

致酒行

零落棲遲一杯酒主人奉觴客長壽主父西遊困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當拏雲誰念幽寒坐
鳴呢

長歌續短歌

長歌破衣襟短歌斷白髮秦王不可見旦夕成內熱渴

飲壺中酒飢拔隴頭粟淒淒一作涼四月闌千里一時綠

欽定四庫全書

御定全唐詩
卷三百九十一

九

夜峰何離離明月落石底衰回沿石尋照出高峰外不
得與之遊歌成鬢先改

公莫舞歌 并序

公莫舞歌者詠項伯翼蔽劉沛公也會中壯士灼
灼於人故無復書且南北樂府率有歌引賀陋諸

家今重作公莫舞歌云

方花古

一作石

礎排九楹刺豹淋血盛銀罍華

一作筵鼓

吹無桐竹長刀直立割鳴箏橫楣麗錦生紅緯日炙錦

媽王未醉腰下三看寶玦光項莊掉劍欄前起材官小

臣公莫舞座上真人赤龍子芒碭雲瑞抱天迴咸陽王

氣清如水鐵樞鐵鍵重東關大旗五丈撞雙鑼漢王今

日頌一作須秦印絕臚剗腸臣不論

昌谷北園新笋四首

籜落長竿削玉開君看母笋是龍材更容一夜抽千尺

別却池園數寸泥

斫取青光寫楚辭膩香春粉黑離離無情有恨何人見

欽定四庫全書

御定全唐詩
卷三百九十一

十

露壓烟啼千萬枝

家泉石眼兩三莖曉看陰根紫脈一作陌生今年水曲春

沙上笛管新篁拔玉青

古竹老梢惹碧雲茂陵歸卧歎清貧風吹千畝迎雨嘯

鳥重一枝入酒尊

惱公

宋玉愁空斷嬌饒粉自紅歌聲春草露門掩杏花叢注

口櫻桃小添眉桂葉濃曉奩妝秀壓晝夜帳減香筒細鏡

飛孤鵲江圖畫水渙陂陀梳碧鳳腰裏帶金蟲杜若含
清露河蒲聚紫茸月分蛾黛破花合靨朱融髮重疑盤
霧腰輕乍倚風窗書題萱蔻隱語笑芙蓉莫鎖茱萸匣
休開翡翠籠弄珠驚漢燕燒蜜引胡蜂醉顚拋紅網單
羅挂綠蒙數錢教姹女買藥問巴賁勻臉安斜雁移燈
想夢能腸攢非束竹弦急是張弓晚樹迷新蝶殘蛺蝶憶
斷虹古時填渤海今日鑿崆峒繡袞褕長幔羅裙結短
封心搖如舞鶴骨出似飛龍井檻淋清漆門鋪綴白銅
欽定四庫全書
御定全唐詩
卷三百九十一
十一

在石蓮中含水彎蛾翠登樓濕馬鬣使君居曲陌園令
住臨邛桂火流蘇暖金爐細炷通春遲王子能驚嘲謝
娘慵玉漏三星曙銅街五馬逢犀株防膽怯銀液鎮心
忪跳脫看年命琵琶道吉凶王時應七夕夫位在二宮
無力塗雲母多方帶藥翁符因青鳥送囊用絳紗縫漢
苑尋官柳河橋閱禁鐘月明中婦覺應笑畫堂空

感諷五首

合浦無明珠龍洲無木奴足知造化力不給使君須越

欽定四庫全書

御定全唐詩
卷三百九十一

十一

婦未織作吳蠶始蠕蠕縣官騎馬來獐色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃梁縣官踏食去簿吏復登堂

奇俊無少年日車何躡躡我待紆雙綬遺我星星髮都
門賈生墓青蠅久斷絕寒食搖揚天憤景長爾殺皇漢
十二帝唯帝稱睿哲一夕信豎兒

一作反信
豎兒言

文明永淪

歇